



«Քայլ առ քայլ» բարեգործական հիմնադրամ

«Նախադպրոցական հաստատության մանկավարժական աշխատողների մասնագիտական կարողությունների և հմտությունների զարգացման» ծրագիր

ՀԵՏԱԶՈՏԱԿԱՆ ԱԾԽԱՏԱՆՔ

**Թեմա՝** Սաների մեջ ինքնուրույնության, նախաձեռնողականության և ստեղծագործական ունակությունների զարգացումը:

**Դաստիարակ՝** Կարինե Կարապետյան

**Մանկապարտեզ՝** « Ռինդի մանկապարտեզ » ՀՈԱԿ

**2023թ.**

**ԲՈՎԱՆԴԱԿՈՒԹՅՈՒՆ**

**ՆԵՐԱԾՈՒԹՅՈՒՆ.....3**

**ՏԵՍԱԿԱՆ ՄԱՍ**

**ԳԼՈՒԽ 1 ԵՐԵԽԱՅԻ ՆԱԽՁԵՌՆՈՂԱԿԱՆՈՒԹՅԱՆ ԵՎ ԻՆՔՆՈՒՐՈՒՅՆՈՒԹՅԱՆ ԴԱՍՏԻԱՐԱԿՈՒԹՅԱՆ ՎԵՐԱԲԵՐՅԱԼ ՏԵՍԱԿԱՆ ՎԵՐԼՈՒԾՈՒԹՅՈՒՆ**

**1.1 Ինքնուրույնության զարգացումը և դաստիարակությունը .....4**

**1.2 Նախաձեռնողականության, զառզացումն ու դաստիարակությունը.....5**

**1.3 Երեխայի նախաձեռնողականության և ինքնուրույնության դաստիարակության առանձնահատկությունները և զարգացումը նախադպրոցականների գործունեության հիմնական ձևերում.....6**

**1.4 Երեխայի ստեղծագործական մտքի զարգացումը.....7**

**1.5 Խաղայի դերն ու նշանակությունը.....8**

**ԳՈՐԾՆԱԿԱՆ ՄԱՍ**

**ԳԼՈՒԽ 2. ՓՈՐՁԱՐԱՐԱԿԱՆ ՀԵՏԱԶՈՏՈՒԹՅՈՒՆ ՈՒՂՂՎԱԾ ԵՐԵԽԱՆԵՐԻ ՆԱԽՁԵՌՆՈՂԱԿԱՆՈՒԹՅԱՆ ԵՎ ԻՆՔՆՈՒՐՈՒՅՆՈՒԹՅԱՆ ՁԵՎԱՎՈՐՈՄԱՆԸ ԳՈՐԾՈՒՆԵՈՒԹՅԱՆ ՀԻՄՆԱԿԱՆ ՁԵՎԵՐՈՒՄ . ՀԵՏԱԶՈՏՈՒԹՅԱՆ ԸՆԹԱՑՔԸ.....10**

**ԵԶՐԱԿԱՑՈՒԹՅՈՒՆ.....12**

**ԳՐԱԿԱՆՈՒԹՅԱՆ ՑԱՆԿ.....13**

## **ՆԵՐԱԾՈՒԹՅՈՒՆ**

**Թեմայի արդիականությունը.** Երեխայի ճիշտ զարգացումը իր ուրույն և մեծ դերն ու նշանակությունն ունի անձի ձևավորման վրա: Մենք միշտ պետք է առաջնային համարենք երեխայի տարիքային զարգացման խթանումը, հետազայում հասարակությանը հասուն, կայացած, ինքնուրույն, նախաձեռնող սան տալու համար: Օրեցօր ավելացող նորագույն տեխնոլոգիաները, սոցիալական ցանցը, գաջեթները որքան էլ ունեն իրենց դրական ազդեցությունը , նույնչափ էլ ազդում են երեխայի ինքնուրույնության ձևավորման վրա: Չենք կարող մոռանալ նաև ընտանեկան գերխնամքի մասին, երեխային օգնելու, գործը հեշտացնելու համար շատ ծնողներ երեխայի գործունեության մեծ մասը իրենք են կատարում, երեխային հետ պահելով տարատեսակ <<երևակայական>> վտանգներից:

**Հետազոտության նպատակն է** ինչպես տեսական վերլուծությամբ, այնպես էլ գործնական պարապմունքների արդյունքում դուրս բերել այնպիսի մեթոդներ, որոնք կօգնեն զարգացնել երեխայի ինքնուրույնությունը, նախաձեռնողականությունը և ստեղծագործ միտքը:

Մեր արջև դրված **խնդիրներն** են՝

- Նախաձեռնողականության, ինքնուրույնության, ստեղծագործ մտքի զարգացման վերաբերյալ տեսական վերլուծություն
- Հետազոտական գործիքակազմի առանձնացում
- Հետազոտվող խմբի ստեղծում
- Որակական վերլուծության իրականացում

**ԳԼՈՒԽ 1: ԵՐԵՒԱՅԻ ՆԱԽՁԵՌՆՈՂԱԿԱՆՈՒԹՅԱՆ ԵՎ  
ԻՆՔՆՈՒՐՈՒՅՆՈՒԹՅԱՆ ԴԱՍՏԻԱՐԱԿՈՒԹՅԱՆ ՎԵՐԱԲԵՐՅԱԼ  
ՄԱՆԿԱՎԱՐԺԱՀՈԳԵԲԱՆԱԿԱՆ ՏԵՍԱԿԱՆ ՎԵՐԼՈՒԾՈՒԹՅՈՒՆ**

**1.1 Ինքնուրույնության զարգացումը և դաստիարակությունը**

Երեխան զարգանում է գործունեության միջոցով: Մանկական գործունեության ցանկացած ձև պարունակում է որոշակի հասարակական փորձ, որի յուրացման ընթացքում ծագում և լուծվում են իմացական բնույթի տարբեր խնդիրներ: Գործունեության զարգացումը նաև իմացական խնդիրների լուծման գործընթաց է: Յուրաքանչյուր գործունեության, անձի որակի ձևավորման արդյունավետ զարգացումը կապված է մի շարք գործոնների ազդեցության հետ: Ինքնուրույնության դաստիարակությունը պայմանավորված է նրանով, թե ինչպես են մեծահասակի հետ համատեղ գործունեության ընթացքում երեխայի կողմից յուրացվում գործելու միջոցները, հնարները և դրանց ընդհանրացված ձևերը: Ինքնուրույնության զարգացման արդյունքը պետք է լինի այն, որ երեխան կարողանա նոր պայմաններում դրսևորել իր գիտելիքները, հմտությունները և դրա հետ մեկտեղ ձգտի գտնել ու իրականացնել գործելու նոր միջոցներ, հնարներ: Ինքնուրույնությունը դրսևորվում է գործունեության տարբեր ձևերում՝ կիրառական, տեսական, հաղորդակցման: Տարբերակվում են՝ իմացական ինքնուրույնություն, մտածողության ինքնուրույնություն, վարքի ինքնուրույնություն հասկացությունները: Նախադպրոցական տարիքի երեխաների ինքնուրույնությունը դրսևորվում է հաղորդակցման, խաղային, արդյունավետ, աշխատանքային գործունեության մեջ և վարքի ձևերում: Ինքնուրույնությունն արտահայտվում է դեռևս վաղ տարիքից, սակայն կայուն անձնային որակ է դառնում ավագ նախադպրոցական տարիքում: Ինքնուրույնությունն անհրաժեշտ է երեխային՝ շրջապատում կողմնորոշվելու և առօրյա վարքի համար: Ինքնուրույնության զարգացումը կապված է երեխայի ընդհանուր զարգացման հետ և օրինաչափորեն ուղեկցում է նրան: Չարգացման ընթացքում երեխայի և սոցիալական միջավայրի միջև անխուսափելիորեն ստեղծվում են որոշակի փոխհարաբերություններ, կապեր, որոնցով էլ պայմանավորված է երեխայի անձի զարգացման բնույթը: Այդ ընթացքում

կարևոր է, թե ինչպես է երեխան յուրացնում գործելու միջոցները և ինչպես է նրան հաջողվում դրանց իրականացումը:

Փոքր ինչ հաջողությունը, կապված առաջին հմտությունների, կարողությունների դրսևորման հետ, դրդում են երեխային ինքնուրույն գործելու: Երբ երեխան համոզվում է, որ իրեն հաջողվեց մեծահասակին ընդօրինակելով կատարել որևէ արդյունավետ գործողություն, նրա մեջ առաջանում են դրական հույզեր, ապրումներ, զգացմունքներ: Ուրախությունն ու հպարտությունը այն մտքից, որ իրեն հաջողվեց հասնել իր նպատակին, մղում են երեխային առավել ինքնուրույնության և սխրանքների: Երեխայի ինքնուրույնության զրգացումը պայմանավորված է հետևյալ գործոններով՝ մեծահասակի առաջատար դերով և երեխայի անձնական ակտիվության, նախաձեռնության զարգացմամբ: Ինքնուրույնության շարժիչ ուժն է դառնում այն հակասությունը, որ ստեղծվում է նախադարձական տարիքին բնորոշ երկու հիմնական մղումներից՝ գործել ինքնուրույն, անկախ մեծահասակից, բայց լինել մեծահասակի նման և օբյեկտիվ հնարավորությունների միջև: Այդ հակասությունը լուծվում է երեխայի դաստիարակության և զարգացման ավելի բարձր մակարդակով, երբ երեխան հմուտ է և տիրապետում է կարողությունների, գիտելիքների ավելի լայն շրջանակի: Երեխայի դաստիարակության մեջ միահյուսված են երկու ուղղություններ: Առաջինը. նախ երեխայից պահանջվում է մասնակցել, հնարավորության սահմաններում, մեծահասակների գործունեությանը: Երկրորդի նպատակն է ամեն կերպ զարգացնել երեխայի ինքնուրույնությունը, նախաձեռնությունն ու ակտիվությունը:

## **1.2 Նախաձեռնողականության, զարգացումն ու դաստիարակությունը**

Մանկության տարիներին ինքնուրույնության զարգացումը որոշ գիտնականներ կապում են ընդօրինակման հետ: Հաստատված է, որ վաղ տարիքում երեխայի ամենաուժեղ պահանջմունքը մեծահասակի հետ իմացական համագործակցությանը մասնակցելն է: Այդ ակտիվ պահանջմունքի իրականացումն արտահայտվում է մանիպուլյատիվ և կողմնորոշման գործողությունների արդյունավետ զարգացմամբ: Ընդօրինակումը ուսումնառության հետ մեկտեղ

նպաստում է երեխաների գործունեության պարզ ձևերի զարգացմանը, որոնց ընդերքում և ծնվում են նախաձեռնող գործողությունների տարրերը:

Ընդօրինակման նշանակությունը առաջին հերթին այն է, որ մյուսներին ընդօրինակելով, կրկնելով որոշակի գործողություններ, դրանց կատարման եղանակները, երեխան սկսում է աստիճանաբար ինքն իրեն ընդօրինակել՝ ճշտությամբ վերարտադրելով յուրացվող հնարներն ու միջոցները:

Ընդհանրապես ակտիվությունը դրսևորվում է շարժումներում, քանի որ հատկապես շարժումն է ապահովում կյանքը, աշխարհնաչառումը: Ճանաչողական ակտիվությունը կրում է կենսաապահովման բնույթ, քանի որ նպաստում է երեխայի կողմնորոշմանը կյանքում: Ակտիվությունը դրսևորվում է նաև հույզերում, քանի որ երեխան երկար ժամանակ առաջնորդվում է ոչ թե գիտակցությամբ, այլ հույզերով: Նա հուզական ակտիվության ներգործության տակ է: Ակտիվությունը համարվում է գործունեության խթանիչ և ընկած է երեխայի գործունեության հետևյալ ձևերի հիմքում՝ խաղ, աշխատանք, ուսուցում: Խաղն ուղղված է ակտիվության պահանջմունքի դրսևորման բավարարմանն այն դեպքում, երբ հնարավոր չեն իրական գործողությունները: Աշխատանքային գործունեությունն ուղղված է իրական արդյունքների ստացման պահանջմունքների բավարարմանը, ինքնահաստատմանը:

### **1.3 Երեխայի նախաձեռնողականության և ինքնուրույնության դաստիարակության առանձնահատկությունները և զարգացումը:**

Ինքնուրույնության դաստիարակությունը պայմանավորված է նրանով, թե ինչպես է մեծահասակը ղեկավարում երեխայի գործունեությունը: Հնարավոր չէ մեխանիկորեն վարժեցնել երեխայի ինքնուրույն գործելու ունակությունները: Նրա մեջ պետք է առաջացնել ինքնուրույն գիտելիքներ ձեռք բերելու, իր առջև ծառայած խնդիրները ինքնուրույն լուծելու ցանկություններ: Պետք է ստեղծել նաև այնպիսի իրադրություն, որ երեխան ձգտի ինքնուրույն հասնել դրված նպատակներին, ինչպես և սովորի իր առջև ինքնուրույն դնել որևէ նպատակ և լուծել առաջացած խնդիրը: Վարքի ինքնուրույնությունը ձևավորվում է այն դեպքում, երբ երեխայի մոտ առաջանում են համապատասխան կայուն սովորություններ, որոնք անհրաժեշտ են

ինքնուրույն գործելու համար և որոնք ժամանակի ընթացքում դառնում են երեխայի բնավորության կայուն գծեր:

Եթե ընտանիքում երեխային հետևողականորեն սովորեցնեն խաղալուց հետո կամ երեկոյան քնելուց առաջ մեծահասակի հսկողությամբ (սկզբնական շրջանումնաև օգնությամբ) հավաքել խաղալիքները կամ իրեն պատկանող իրերը, ապա դա կդառնա կայուն սովորություն: Գործունեության զարգացման ընթացքում ձևավորվում է երեխայի ինքնուրույն նպատակ դնելու կարողությունը, տարբեր գործողություններ կատարելու նախաձեռնությունը, որևէ խնդիր լուծելու ցանկությունը: Երեխայի ամենատեղ պահանջը՝ ակտիվ գործելու ձգտումը, իրականանում է հենց ինքնուրույն գործելու և հաղորդակցվելու միջոցով:

#### **1.4 Երեխայի ստեղծագործական մտքի զարգացումը**

Վեց տարեկան երեխաների ինքնուրույնության ուսումնասիրությունը թույլ է տվել բացահայտել, որ ինքնուրույնության հիմնական բաղադրիչ մասերն են երեխայի կատարողական ակտիվությունը, ինքնագործունեությունը, ստեղծագործական հակումները: Կատարողական ակտիվությունը ինքնուրույնության համեմատաբար պարզ ձևն է, սակայն այն երեխայից պահանջում է կատարել այնպիսի գործողություններ, որոնք համապատասխանում են մեծահասակի տրված օրինակին: Ինքնագործունեությունը դրսևորվում է այն դեպքում, երբ երեխան առանց օրինակի, ինքնուրույն, սեփական նախաձեռնությամբ սկսում է դրսևորել յուրացրած գիտելիքները կամ ձևավորված հմտությունները:

Ինքնուրույնության զարգացման ամենաբարձր աստիճանը բնութագրվում է նրանով, որ երեխայի գործունեության մեջ հանդես են գալիս ստեղծագործելու տարրեր:

Երեխայի իմացական ակտիվությունը տարբերվում ակտիվության, ինքնուրույնության մյուս ոլորտներից: Այն իր արտահայտությունն է գտնում երեխայի իմացական ձգտումների, կարողությունների, ստեղծագործական պրպտումների մեջ: Ինչպես ամեն տիպ, «իմացական ինքնուրույնությունը» նույնպես հիմնվում է երեխայի ակտիվության վրա: Այն իրականանում է ինքնուրույն մտածելու, դատելու ունակությունների միջոցով: Այդ ընթացքում՝ երեխայի մեջ զարգանում են նոր իրադրություններում ինքնուրույն կողմնորոշվելու, նոր խնդիրներ առանձնացնելու, լուծման միջոցները գտնելու կարողությունները:

Ինքնուրույնության զարգացման հիմնական գործոններից է այն ունակությունը, երբ երեխան կարողանում է քննադատաբար հարաբերակցել մեծահասակից ստացվող նոր գիտելիքները ինքնուրույնաբար յուրացվածի հետ: Այդ գործընթացը միանշանակ կապված է նրա կամքի ուժի, մտավոր ջանքեր գործադրելու կարողության և այդ ամենին ուղեկցող՝ հույզերի հետ:

Նախադպրոցական մանկության տարիներին երեխաների ինքնուրույնությունը ձևավորվում է տարբեր տիպի գործունեության ընթացքում՝ խաղային, աշխատանքային, ուսումնական:

### **1.5 Խաղայի դերն ու նշանակությունը**

Խաղը իրականության երևակայական արտացոլումն է: Այն աշխարհաճանաչման ուղի է, որի միջոցով երեխան կյանք է մտնում, հարստացնում իր զգայական փորձը, հարաբերություններ հաստատում մարդկանց հետ: Հարկ է նշել, որ նախաձեռնության, ինքնուրույնության, ակտիվության դաստիարակության գործում մեծ է ստեժագործական խաղերի դերը (սյուժետադերային, կառուցողական, խաղ-բեմականացումներ, խաղ-փորձարկումներ): Վերջիններս համարվում են ամենաարդյունավետը ինտելեկտուալ նախաձեռնության, ստեղծագործելու կարողությունը զարգացնելու համար: Այս խաղերի ժամանակ, արդեն ավագ տարիքի երեխաները ինքնուրույն են որոշում խաղի ընթացքը, բաշխում դերերը, ընթացքում հայտնում կարծիք այս կամ այն հարցի վերաբերյալ: Այդ իսկ պատճառով էլ մանկավարժը պետք է անընդհատ ընդլայնի երեխաների պատկերացումները շրջապատի վերաբերյալ, հագեցնի նրանց նոր տպավորություններով:

Ինչպես նաև մեծ է արդյունավետ գործունեության տարբեր ձևերի (նկարչություն, ծեփակերտում, կառուցողական աշխատանք, ապլիկացիա) նշանակությունը ինքնուրույնության դաստիարակության գործում: Երբ երեխան պատկերում է տարբեր իրավիճակներ, շարժումներ, ծեփակերտում է տարբեր կերպարներ, նա ամեն ինչում նախաձեռնություն է ցուցաբերում: Այստեղ կարևոր է, որ մանկավարժը հաճախակի երեխաներին հնարավորություն տա ինքնուրույն ընտրել աշխատանքի թեման, նյութը, գույները, կոմպոզիցիոն լուծումները: Առարկայի ընկալումը գործնական ճանապարհով, ամրապնդվում է գիտակցության մեջ: Այս կամ այն առարկայի որակները, չափը, գույնը, դառնում են ոչ միայն առանձին, որոշակի



առարկաների հատկանիշներ, այլ ընդհանրացվում են որպես տարբեր առարկաների բնորոշ: Երեխան արդեն կճանաչի և կանվանի այդ հատկանիշները անձանոթ առարկաների մեջ: Երախայի ուշադրությունը հրավիրելով պատկերվող իրադրությունների, մարդկանց, կենդանիների արտահայտչականության, բնորոշ մանրամասների, գույների գամմայի, ձևի վրա՝ նրան աստիճանաբար մոտեցնում ենք ընկալվածը տարրականորեն գնահատելու կարողությանը:

Արդյունավետ գործունեությունը նախադպրոցական տարիքի երեխաների ամենահետաքրքիր գործունեության տեսակներից է: Գործունեության այս տեսակի միջոցով երեխան հնարավորություն է ստանում գեղարվեստական ստեղծագործության միջոցով արտահայտել իր տպավորությունները, վերաբերմունքը շրջապատող առարկաների և երևույթների նկատմամբ: Սրա հետ մեկտեղ երեխան հուզական տպավորություններ է կուտակում, անհատական հետաքրքրություններ, հակումներ և ունակություններ է ձեռք բերում: Երեխան պլանավորում է իր գործողությունները, ինքնուրույն իրականացնում իր գաղափարները: Այս գործունեության ընթացքում ձևավորվում են անձի այնպիսի որակներ, ինչպիսիք են հետքրքրասիրությունը, ինքնուրույնությունը, մտավոր ակտիվությունը:

**ՔԼՈՒԽ 2. ՓՈՐՁԱՐԱՐԱԿԱՆ ՀԵՏԱԶՈՏՈՒԹՅՈՒՆ ՈՒՂՂՎԱԾ ԵՐԵԽԱՆԵՐԻ  
ՆԱԽԱԶԵՌՆՈՂԱԿԱՆՈՒԹՅԱՆ ԵՎ ԻՆՔՆՈՒՐՈՒՅՆՈՒԹՅԱՆ  
ՁԵՎԱՎՈՐՈՄԱՆԸ**

Միջին խումբ

Տևողությունը 25-30ր

**Նպատակը՝** դուրս բերել այնպիսի մեթոդներ, որոնք կօգնեն զարգացնել երեխայի ինքնուրույնությունը, նախաձեռնողականությունը և ստեղծագործ միտքը:

**Խնդիրները՝** Նախաձեռնողականության, ինքնուրույնության, ստեղծագործ մտքի զարգացման վերաբերյալ տեսական վերլուծություն, ստեղծագործ մտքի խթանում Ցույց տալ ազատ մտքի կարևորությունը, ինչպես նաև սահմանները, թե որտեղ ինչպես կարող են իրենց դրսևորել

**Վերջնարդյունք՝** երեխան անկաշկանդ խոսի իր մտքերի գաղափարների մասին, հասկանա ստեղծագործ մտքի կարևորությունը:

**Կարողունակություն՝** ինքնաճանաչողական և սոցիալական կարողունակություն

**Անհրաժեշտ նյութեր՝** տարատեսակ խաղալիքներ, մատիտներ, գունավոր թղտեր, հաշվողական փայտիկներ և այլն:

**Խաղի թեմա՝** տոնածառ

**Տեսակը՝** աշխատանք կենտրոններում

Փորձարարական հետազոտության ընթացքում բացվեցին արվեստի, մաթեմատիկայի և մնացած բոլոր կենտրոնները: Երեխաներին առաջարկվեց հետևյալ խաղը: Խմբում եղած պարագաներով և խաղալիքներով ստեղծել նորովի տոնածառ: Այն կարող է պատռաստված լինել փայտային խաղալիքներց, մատիտներց, թղթից կամ տարատեսակ խաղալիքներց:

Երեխաները մի պահ շփոթվեցին, կարծես չկարողանային կենտրոնանալ և չհասկանային թե ինչ է իրենցից պահանջվում: Երեխաները սկսեցին ակտիվ ներգրավվել ծաղի մեջ այն բանից հետո, երբ նրանցից մեկը ասաց . << Ես հասկացա, իմ տոնածառը կպատրաստեմ մատիտներով>>:

Խաղի ամբողջական ժամանակը տրվել էր երեխաներին 15 րոպե: Խաղի ավարտից հետո սկսեցինք ամփոփել, երեխաների երևակայությունն ու ստեղծագործ միտքը զարմացրեց բոլորիս: Տոնածառներ ստեղծվել էին ավտոմեքենաներից (շարելով իրար վրա երեխան ստացել էր տոնածառի տեսք), լեզոներից, մատիտներից, հաշվեձողիկներից և այլն: Կային երեխաներ, որ ընդօրինակել էին կողքի երեխաների աշխատանքներին, բայց ինքնուրույնությունը ցուցաբերել էին տոնածառի ձևավորման մեջ:

Նույն առաջադրանքը կրկնեցինք 4 տարբեր օրեր , տալով նույն հրահանգը, բայց պատրաստման առարկան փոփոխվեց՝ կենդանու պատկեր, ծաղիկ, միրգ:

Ամբողջ ընթացքում հետևում էինք երեխաների ստեղծագործ մտքին և ինքնուրույնությանը:

Հետազոտության ավարտից հետո վերլուծեցինք արդյունքները և եկանք այն մտքին, որ ճիշտ հրահանգները և հետևողական վերաբերմունքը առաջացնում են երեխայի մոտ ինքնուրույնություն և նախաձեռնողականություն:

## ԵԶՐԱԿԱՑՈՒԹՅՈՒՆ

Այսպիսով, մեր կողմից կատարված վերլուծությունը, հետազոտական աշխատանքի արդյունքների ամփոփումը հնարավորություն տվեց կատարել հետևյալ եզրակացությունները՝

- երեխայի ինքնուրույնությունը ձևավորվում է տարբեր տեսակի գործունեության ընթացքում՝ խաղային, ուսումնական, աշխատանքային և այլն:
- ինքնուրույնությունը ձևավորվում է վաղ մանկությունից և ամրապնդվում է ամենապարզ հմտությունների և սովորությունների հիման վրա:
- ինքնուրույնությունը երեխայի մոտ դրսևորվում է հետաքրքրասիրությամբ, նախաձեռնողականությամբ, ակտիվությամբ և նպատակասլացությամբ:

Առաջադրանքների ժամանակ երեխաները ձգտում էին լինել ինքնուրույն, մեծահասակի օգնությանը դիմում էին հազվադեպ: Հետազոտական առաջադրանքների կատարման վերջում երեխաները փորձում էին իրենց կատարած սխալները ինքնուրույն շտկել, մեկնաբանել թե, որ գործողությունը ինչի համար են կատարել: Երեխաները կարողանում են նպատակ դնել և պարզագույն քայլերի շնորհիվ հասնել դրանց, սկսած աշխատանքը հասցնել ավարտին, որոշ դեպքերում դիմելով մեծահասակի օգնությանը:

Այսպիսով երեխաների նախաձեռնողականության և ինքնուրույնության ձևավորմանն ուղղված փորձարարական հետազոտության աշխատանքները ցույց են տալիս, որ երեխայի գործունեությունում ճիշտ կազմակերպված մանկավարժական աշխատանքի, ինչպես նաև ծնողի հետ աշխատանքի արդյունքում կարող ենք հասնել զգալի արդյունքի:

## ԳՐԱԿԱՆՈՒԹՅԱՆ ՑԱՆԿ

1. Ամիրջանյան Յ.Ս. << Մանկավարժություն>> Երևան 2004թ.
2. Արզումանյան Չ.Ս. <<Հոգեբանություն>> Երևան 2003թ.
3. Մարության Ս., Ա.Դալլաքյան, <<Նախադպրոցական Մանկավարժություն >> Բոժիական դասագիրք: Երևան 2008թ
4. Մարության Ս. <<Նախադպրոցականի ինքնուրույնության դաստիարակումը միջանձնային հարաբերություններում>>. Երևան 2008 թ.
5. Միտոյան Հ. -Ուսումնական ձեռնարկ մանկապարտեզի համար:
6. Акулова. Е. Формируем у детей самостоятельность и ответственность //Дошкольное воспитание. –2009.–С. 52-58.

## ՀԱՎԵԼՎԱԾ

### ԴԻՏԱՐԿՄԱՆ ԹԵՐԹԻԿ

- Արդյո՞ք դաստիարակը հասավ պարապմունքի նպատակներին և ո՞ր կարողությունների զարգացմանն էին ուղղված աշխատանքները: Պարապմունքի նպատակն էր քաղաքացիական սաների ինքնուրույնության և նախաձեռնողականության սահմանները, և ճշգրիտ հաճադրումների ու հրահանգների արդյունքում քավականին զարմացնող, հետաքրքիր արդյունքներ ստացվեցին:
- Ինչպե՞ս էին իրենց զգում երեխաները: Սկզբում երեխաները կաշկանդված ու լարված էին. չէին հասկանում պահանջը և իրենց ազատության սահմանը, քայք քավականին արագ ինտեգրվեցին ու հետազոտությունը վերածեցին ակտիվ խաղ-մրցույթի:
- Հիմնավորել. Արդյո՞ք դաստիարակի կողմից հետազոտվող թեմայի կարևորությունը մեծ է նախադպրոցական կրթության մեջ և ի՞նչ խնդիրների լուծմանն է միտված այն: Երեխային զույգ տալով երևակայական աշխարհի հնարավորությունները և սովորեցնելով ճիշտ օգտվել դրանից կայացած, ինքնուրույն անձ մեծանալու առաջնային գրավականներից է: